

talium. Ideoque de his alibi. Nunc quod instat, quoniam quidem longè dispar vis est, in his enim neque portendens, neque mirabile quicquam inest, nisi quatenus humana iustitia, quibusdam mota successibus, & sine rerum ad principium relato, præostensum aliquid cœpit opinari, non prius ab initio intellectum, quàm exitus comprobasset, & se tractu temporum, eò peruentum, & ipsi etiam primordiis, vel rerum vel verborum mortalis curiositas inhiaret: Error hinc omnium ortus est, qui magnos homines inuoluit.

OMEN.

EX hoc genere est, ut iam ad exempla veniam, post captam à Senonibus Gallis, exustamque urbem Romanam, hæsitantibus an relicto natali solo, sedes Imperij transferrent, an verò patriæ ruinas erigerent: Dum hæc res fortè in Senatu alternantibus consiliis agitur, contigit, ut Centurio cohortis è præsidio redeuntis, alta voce signiferum compellans diceret: Statue signum, hic optimè manebimus: Non dubitant huic voci stabilitatem Imperij acceptam referre: Qua quidem ad Senatus aures perlata, accipere se omen ait, ita tot diffidentium patrum